



雪村岷哉集

坤

特別
18
3421
1



門 18
號 3421
卷 1

岷峨集下

皇慶二年二月初七在雲禁中朗誦無
學禪師遇兵劫伽陀因折句拜和以見
意焉

乾坤無地卓孤筇可是藏身處沒踪半夜木
人騎石馬鍊困撞倒百千重
且喜人空法亦空大千任是一樊籠罪忘心
滅三禪樂誰道提婆在獄中
珍重太元三尺劍寒霜萬里光焰燭體乾

續翠軒文庫

大吟國
達磨寺
秘藏

早稻田大學
25.11.17
藏

盡眼重開，白壁連城本無玷。
電光影裏，斬春風、舜若多神。
血濺紅驚，得須彌廬側，卓潛身跳入藕絲中。

又和

百城烟水，一枝筇觸目，無非是。
幻空童子曾參，無厭足，鑊湯爐炭起清風。

偶作十首

函谷關西放逐僧，黃皮瘦裏骨稜嶒。
有時宴坐幽巖石，只欠空生作友朋。

真一
作累

函谷關西放逐僧，是何頑惡得人憎。
觸躡刃下逃腥血，脚債曾煩驛吏徵。
函谷關西放逐僧，慣騎鐵馬走冰稜。
曇花落二千年後，又見黃河一度澄。
函谷關西放逐僧，同行唯有，一枝藤。
終南翠色連嵩華，慶快平生此一登。
函谷關西放逐僧，生涯善以拙為能。
千鈞弩發籬邊，雀鷺落搏風化海鵬。
函谷關西放逐僧，鈍根仍得啞羊稱。
瓶空遠

餉他方國識海無風浪自騰
函谷關西放逐僧擬將何法當宗乘三玄三
要開戈甲半滿偏圓爛蒼藤
函谷關西放逐僧全機銷爍火中冰破茅風
捲荒山頂百鳥啣花更不曾
函谷關西放逐僧海山衣鉢取無憑千生黑
業性猶在百煉黃金色更增
函谷關西放逐僧砂非飭本不勞蒸長伸兩
脚深雲裏自在烏沈兒又升

石甕寺

平生無夢曾行路綉嶺東邊渭水南
一筵盤空雲背嶮半崖松子落禪龕

元夕

二首在藍田

山城燈火豈通霄罷賞歸來景更饒
沙外吹冰風未暖半窓寒月斗橫杓
上元春事少年心孰忍龕燈獨夜吟
一種風流難免俗竹軒松吹替鳴琴

雜體十首

延祐三年

世事紛於我我何於彼紛形骸枯槁盡斷鼻
貴風介餅冷吳水月錫輕秦山雲此生幾兩
履萬古一朝曛
我非陶靖節而愛北窓趣無賴羲皇風颯然
捺新句傭書筆常尖旧橐今半蠹即懷偶像
才何用勲細故
學道無固必斲輪有奇術胸吞萬卷書未足
誇神筆但止邪於心萬源終歸一寄語擔簦
人迷方休自窒

尋醫欲去疾擇支期成吾可口非藥物存瑕
豈明珠不疑心自妙蘊智貌還愚誰識孫陽
馬玄黃必是乎
吾不歡人譽亦不畏人毀只緣典世疎方寸
淡如水一身縲紲餘三載長安市吟哦聊適
情直語何容綺
有心即羈鎖無慮是康衢胸次雖空洞機前
要精廉寄眠簟六尺危坐香一爐大道坦如
此小機謾穿窬

我本六鑿明綠塵豐其蔀且看身外身果受
夢幻不大匠容輪困善耘去良莠鯤化終有
期鵬程許相偶
九衢暑若蒸一室寒如水午枕榮辱外篆烟
和夢凝遣懷五字詩治病三折肱備然會心
處松岫碧層々
亡羊恨多岐見麟貴一角窺牖未得門白頭
空齷齪刳心聽物來声外要聞樂達人金玉
相匪懈善追琢

室迥雖湫隘身閑足休祥新篁稍陰處幽吟
非扇凉客少不須遣病多能自防草玄今味
晚抱影庸何傷

重九即事

去燕來鴻寧鄭重良辰美景盍留連籬邊採
菊成今古盞底逢香任聖賢人隔蓬萊三萬
里鶴歸華表一千年臨風無恨登高趣付與
終南最上巔

贈張義夫

一笈相逢忘逆旅，十篇駢寄展綢繆。雍城秋
老分携，日知在東西第幾州。

和陳良臣詠竹之贈二篇

此君應靡類靖節，若為隣乍可松竹。文終非
桃李，親霜寒淇澳。曉月淡渭川，春負瘦寧憂
俗心虛，不負真擢班。揮玉塵，分吹款綸巾。既
發高人興，投吾語更新。

既識荊州面，須遷孟母隣。修身廉自舉，鏟彩
道惟親。松桂千年操，桑榆幾日春。絕絃如可

續瑣璞會成真，雲外登山屐樽前。漉酒巾古
人風尚在，相約趣尤新。

輞川道中

杖屨欲何適，備然意若存。山回懸棧道，溪轉
斷橋村。松老斂液玉，藏石帶溫已。知幽隱
處，聊此扣柴門。

宿鹿苑寺 王維 旧第

索莫唐朝寺，昔人今已非。短綃千疊嶂，浮世
幾殘暉。塔影搖嵐側，鐘聲咽吹微。客窓休自

恨華表會仙歸

大雪

潤物功深詎有涸，滔天際地勢難遮。既呈瑞色收氣矣，將變澆風返素邪。是處不貪門外壁，何年曾見枿頭花。詩成敢擬梁園賦，聞典騷人世々誇。

中秋對月

良辰美景情難別，我政停杯問明月。畢竟年年此夜圓，何如宵々長不缺。明月不言々必

通圓與缺誰能窮，世人欲對長圓月莫遣綠鬢先秋蓬。

秋夜懷友

我本東南人，常思東南客。奈此良夜何，蕭々城東陌。泛菊露溥々，鳴柯風撼々。微吟君不來，明月轉空白。

贈李以正李元夫歸鄉

李以正霜筠雪竹持，君抱綠髮未凋關塞草。李元夫霽月光風爽，君神青衫不沈長安塵。

難兄難弟勇高義受我不疵同臭味謫仙才
調欠一官詩酒風流轉豪氣浪遊萬里天一
阪笑談自可輕王侯歸去來兮今不早斑衣
須與萱堂謀鴻飛冥々何容典病趨何能共
高舉餞行豈忍歌陽關碧雲暮斷湘南山君
不見碌々弄林非可惜會有竜梭起雷澤他
年未老江海濱思典公等成三客

留別 東州 雪庭

落葉蕭々雁數行西風砧杵夜窓涼天涯何

可三人得海國同歸一夢長別恨頗禁緣客
慣詩腸屢攬未情忘明朝興發青鞋底無限
好山烟靄蒼

會昌茂宗

十載難危天未厭投荒尚得此身存難兄難
弟如曾約相別相逢典細論鄮嶺春輝棠棣
萼燕雲歲晚眷令原西風斜日黃埃裏握手
凜然一斷魂

和友人翁字

呼童烹茗一甌濃，睡起園林午後風。知是落花前夜雨，小溝添水沒鳧翁。

和競登憫忠閣

古閣稜層倚晚空，蓬瀛咫尺隔天風。紅塵不到西軒上，一抹青山錦綉中。

憶玉雲老人

雨洗山橫秋後色，雪凌松老歲寒姿。阿師無恙滄溟外，想見虛堂捉麈時。

寄永寧覺菴

香志國王第三子，遊梁入魏良。有以嵩陰獨坐九年春，冷貨售來安用是。不龜手藥，千金奇神光，付後將復為。及至黃梅碓，甬花埋根千丈。今生芽叢林，耆宿永寧伯，十載聞名三韓客。一尋柱杖鍊蒺藜，吳水燕雲時一劃。電光石火蒙山機，等閑搆得生猗威。四顧寥々唯是我，須彌頂上揮金鎚。全提半提嘗，俊板佛病祖病儘，針劄三玄。戈甲四賓門，笑把一城人眼瞎。衲僧窮變通宗途，凜々清風孤不

孤草鞋待掛，竜床隅，恢闡吾道。除君無。

和立秋夕吟

高人何所嗜，吟苦與誰同。夜色窓前月，秋声
兼底風。京華歲將晚，湖海道非窮。因想東南
興，冥鴻萬里空。

中秋留別覺菴無文

孤雲踪跡元無定，興盡京華我欲行。山好豈
辭秦路遠，身閑尤喜客裝輕。一天霽色秋如
洗，二老風襟日見清。不審明年今夜月，分光

送照別離情

一絕謝覺菴送行之什

感君素梓情方厚，贈我瓊瑤意亦真。此別相
逢，遂有約越山西畔，湘江濱。

大法千鈞一線危，哲人袖手孰扶持。住山鉤
斧重拈起報佛，深息正此時。

趙州八十方行脚，老不知羞。一味顛爭似，永
寧無个事鉢囊高掛，閉門眠。

喬松百尺倚雲長，材用無虧。作棟梁，霜雪只

欺閑草木孤標終不變蒼々
衲僧通變測應難氣宇如王不受瞞萬象之
中能作主端如砥柱屹頽瀾

拜臨濟塔

三玄戈甲禍鍾門家破誠難得孝孫來遠浮
圖伴展拜溥沲流恨不流恩

寄臨濟住持

大法下衰真歎訝要光祖道須作者少林種
草獨英靈梅溪秀出其人也濟北之宗瞎驢

邊三玄三要敲門瓦驅耕奪食活關機凜々
清風千歲下始吾來自扶桑東二年京國觀
光罷杖頭興發嵩山巔路借溥陽歷叢社諸
方且過如水寒宛轉客懷向誰寫人言客難
主亦難洎入此門甚蕭洒時當十月朔維新
冽風催雪雲生野洪鐘相繼鼓喧裏香花馥
郁灯不地堂中千指氣如春記得祝香語尤
雅菊殘猶有傲霜枝國泰已無征戰馬高山
流水伯牙琴除是鍾期和應寡

口号書臨濟旦過

朔風吹雨洒溱城，遲我嵩山二日程。
一種閑懷無着處，夕陽微向柳梢明。

過邯鄲

莫笑區々陌上塵，百年誰假復誰真。
今朝借路邯鄲客，不是黃梁夢裏人。

宿柏林寺

貪看落日鳥爭栖，不覺彎弓月影低。
妙句貪吟僧未歇，鐘聲微度栢庭西。

趙州

八十遊方个老僧，西來祖意夢何曾。
曾饒君解答庭前栢子細，看來是箇葛藤。

寄懷州新寺開山号月堂

孰向吾門作棟梁，曾回宸睟選支郎。
孕靈秦雍人須傑，演法單懷德愈光。
金地風清開講室，霜天月皎照禪堂。
朝來祝罷萬年壽，獨坐寥寥看太行。

寄柳總管

覃懷民病要時，孫德政難容，淺丈夫莫北已。
空千里馬斗南，今得一真儒不貪為寶，宜辭
壁示辱，當鞭只用蒲推，此清風遍寰宇，行看
山野樂唐虞。

別柳君

借問柳懷州，風流誰可亞，掣身簿書中，作詩
凌陶謝，隱几雀羅庭，偷山破簾幙，今朝髮忘
櫛，不覺鍾動夜，門外市声息，步月訪僧舍，尋
盟話，三生論道窮，萬化香爐復，添柏茶甘，愈

食蔗因笑區中，緣詎容，霎時暇，我携數幅，
明當西入華，一室掃雲根，期君來稅駕。

宿少林

紗灯漸暗，篆烟殘，一壑松風吼，夜闌遙想，
通年遠事，月明三十六峯寒。

宿法王

水侵石筧，泉声激風颭，筠窓月影搖，竈墮灰
寒，門戶冷，老僧定起，篆初銷。

寄法王住持

一見斯門氣象雄，輸他本色住山翁。
機前獨脫雲鋒活，格外單提正脉通。
兔角杖頭嵩頂月，龜毛拂上洛溪風。
水姿凜々霜眸炯，照映人天道莫窮。
不契梁王只麼休，深岩面壁見人羞。
神光只是怜他拙，斷臂來分一半憂。

中秋雨

西風剪々雨潏々，暝色愁人獨掩關。
遙想碧霄雲外月，孤光水際照銀灣。

示李居士

一口西江都吸盡，个中無物可容些。
憑誰問取龐居士，荻柄春風幾度花。

圓通

機前透出走盤珠，稜角猶存，在半途。
欲識普門真境界，無方無礙亦無。

寂照

目前無法意如何，擬動纖毫觸大阿。
似好晴空霜夜月，孤光皎潔印澄波。

示楊居士覺歸

紛々擾々都休光了々玄々捨莫依打破聖
凡關板子覺華開處賞春歸

九日遊翠微

一逕盤回上翠微千林紅葉正紛飛
癡宮秋草庭前菊猶着寒花媚晚暉

松菴

長安有叟名松庵蕭然環堵南城南自言寓
物會心處遁世何必皆深岩我正論君還絕

倒青雲白石壯襟抱愛君似松々似君矍鑠
精神冰雪老紫髯霜幹蒼蘚皮摩圍百尺參
天姿造化戲人鍾一氣歲寒終始宜相期君
知否媚其不材私壽者苟逃斤斧安足雅成
用莫惜棟梁材免看蓬蒿丈木厦

送康樂翁還以簡于故友

客從東南來還向東南去夜雨對連床惜別
天欲曙我亦湖海人相逢誰非故矧今瀕死
餘分袂寧無慮秋雲鎖關山秋月隨杖履雲

月本無情迎送何太遽
匡峯訪古時若上尋
幽處問我有何如煩君重慰諭

讚觀音海上翫月相

離真離假非色非空
毫端三昧名邈難同
不難同波上觀音天際
月普門何處不圓通

題淨隱居士肖像

清而淳文而郁含冲機
脫邊幅仕路功名百
念灰平生興味幾杯醪
一身典時閑双眉向
誰蹙香花經卷方保蘭
堂中有髮僧巾帶琴

書考羲皇世上無塵俗
未踈竹林之勝遊先
武蓮杜之芳躅非古非今
何盈何縮夫是之
謂淨隱居士能於毫端
幻出本來真面目者
也

哭玉雲老人四首

石火光中掣電機臨行書表
叩丹墀靈明既
遇肅宗帝道價未饒
忠國師問法曾遭三頓
棒為人不惜兩莖眉
歸來待覓黃金骨
勘破虛空落地時

昔年退鼓白華岩吾道東傳有指南七摠名
籃光祖胃單提活句典人參目邊留影生修
塔天上須息死奠龕回首滄波千點淚松風
畫掩玉雲菴

曾將心要啓宸聰詔補南禪振祖風為瑞為
祥今已遍蒼龍蛻骨下瑤宮

師資緣感豈忘情別後霜眉夢亦驚誰料八
旬猶欠九俄聞泡影入無生

餞暢府判之淮安

華門忠孝自名流判署枚臯宅畔州謀國不
由宮小大策勲寧典世沉浮馬蹄印雪千山
曉鵬翼摩空萬里秋此去政成拜丹詔會看
環珮鳳池頭

題趙氏孝弟之圖

世人輕孝弟君子貴天倫華萼輝方豔墳窟
韻亦新解圍即莫屈轅金嫂休嗔從此懷敦
睦澆風一變淳

吳壽卿玉兔望月圖

乾坤之內，生物昌。苟安其性，誰能傷。中山苗裔，缺唇子。世祿天遣司，金方丘壑。形容飽霜露，水眸炯々銀鬚長。擬奔蟾闕，搗靈藥，却恨塵骨難飛揚。愛君此畫真，癡絕意氣森若錐。處囊拔毛，直須利天下。吾欲薦爾中書堂。

和杜御史甘肅守省途中十八絕

才名蓋世，鮑參軍行業絕。倫龐德公，自髮蒼顏冠獬豸。竚看臺閣凜生風。青山疊々路悠悠，報國何妨事遠遊。天祐聖

元拓區宇，玉關猶是屬中州。分職西臺舉政綱，生憎蠹吏愈貪狼。馬蹄到處，人懷德無復咨嗟。天一方道出形骸，名豈徇職親耳目。法當嚴寂寥，候館無人侍明月。滿窓風滿簾，按巡沙漠最邊州。水蘂聲傳俗吏羞，樂事實心相管帶。一樽先貫鸕鷀裘，夫子胸中富五車。揮毫一馬驟塵沙，少陵未覺風流遠。合策詩名典世誇。

一篙竹渭碧流灣西指燉煌不盡山落日郵
亭回首望烟村茅屋兩三間
英才卓犖產堯都政事文章古亦無他日廣
堂借前著饒民寬祝作良圖
天網恢恢聖曆昌騶虞未肯混狐狼儒臣大
體人誰識治國烹鮮別有方
我典青山盟未寒報君慎勿早還山蒼生端
望雍熙策那許投簪共我閑
寵辱都來幾異同笙歌未了咄書空羲皇世

上無多事益益功名七字中
詩風圓熟可忘憂何似仙人玉斧修遙想推
敲明月下雪山西畔暫停騶
一片忠心漢霍光弓力萬里破天荒既逢偃
武修文日好字邊民訓義方
罕々黃塵紫塞間誰禁瘦馬朔風寒華軒歌
舞多驕子終日醺々樂宴安
二月江南花下迷淺紅深紫鵬鴣啼浮雲徃
事今如許勞落風塵萬里西

莫待休々始自休百年堪樂不堪憂野人深
謝經綸手卧聽堯民擊壤謳
巾帶琴書手自將滄浪濯髮對朝陽傳霖伊
鼎功成後為我尋幽宿上方
有意揮戈回白日無辭煉石補青天丈夫出
處多勲業鏡裏風霜兩鬢邊

杜御史復以詩稱賞故依韵叙謝四首

清風疊々笑談間似對金樽倒玉山誰道胸
中容數百了無俗物可相干

幽荒念我辱新詩織女機頭見錦辭只恐人
間輕著價珍藏何啻百金斯
栢臺名節仰高山因病春來許暫閑未過虎
溪先一笑定迎軒蓋步林間
千疊峯巒紫翠堆雲烟暝合典晴開虛庭不
掃松花落襲々香風天外來

和曾彥權遊鴈塔韵

先生精思箭中戟文陣橫滅拂神筆蚤年志
氣張吾軍叫閻馱賦天咫尺風流耆舊陪調

岷峨集卷下
臣憤醉碧桃華底春跨鳳騎鯨千載後斗南
可吏無一人君何久居冷官舍為賦青梨扣
清夜錦囊盛玉西遊秦掉頭那受人間價秋
水渭水飛黃天相逢杖屨同翩然我家吳興
幽絕處松蘿石磴常攀綠邇來萬里他山川
鶴愁漸已秋鷲肩輿興作詩發三嘆揮絃目
送征鴻邊

金絲草

幽根活濕寄崖陰細蔓條々鳥縷金寸尺似

縫蒼蘚缺不穿阿母手中針

萱

澤國春風入草根誰家庭院不生萱
遠懷未
有忘憂貝自髮
垂々獨倚門

岷峨集卷之下終

勅謚寶覺真空禪師前往大唐京兆翠微寺
後住日本京城東山建仁禪寺雪村大和尚
行道記

法孫 有諸謹撰

師諱支梅字雪村自號幻空越之後州白鳥
鄉人世姓源氏父之黨一宮母之黨藤氏信
州須田一夕母夢吞和州東大寺大鐘頃刻
有異僧來借宿問之曰我是南都沙門衆乘
也寤寐不測遂有身果以正應三年庚寅誕

焉天稟秀拔收嶷生知鄉塾喧傳為非池中
物也甫以童子禮國師一山有契時三童入
室特取三支名之其松竹不顯於時而師也
隨侍於相之福鹿兩山往來說法者有年矣
故有問法曾遭三頓棒為人不惜兩莖眉之
語由今視之師之出於國師之門者大章一
夔耳厥後入京登壇受具棲錫于建仁本邦
衲子爭先入元土參知識決大事師纔十有
八歲振百城之策泛海大舶着岸觀光二年

措紳先生講習琢磨文譽藉甚而四方參遍
到處叢林戶知倒履出迎風望端肅驚動人
心機鋒威稜庸流畏避當代名宿莫弗參扣
也端元叟陵虛谷海東嶼熙晦機賓主互換
矧亦朝端名傳乎一日訪趙氏子昂於翰苑
師揮李北海邕之筆勢見而驚之寵貺以一
大麝煤稱得八法而後登湖之道場山執侍
堂頭叔平隆和尚博學多聞見德尤駭矣命
以大藏關鑰握塵撻猊摩舌本瀾翻換骨奪

胎人不知外國來客方是時也元主相繼動
有臣伏海外之心然而日本神國在羈縻之
外百王一種迥代號外國不思服徃々罪在
吾人以故一例刑籍囚師於雪川之獄鞫勘
萬端湯火條治不可具陳有童子曾參無厭
足鑊湯爐炭起清風之句叔平以師故竟亡
於獄中而刑吏加自又師俄朗誦佛光禪師
子元遇兵一偈云乾坤無地卓孤筇且喜人
空法亦空珍重大元三尺劍電光影裡斬春

風由是獲免名落天下寔大元皇慶二年二
月七日師時壯四歲矣然則叔平佛光者非
師壽星耶今為厥子孫者猶尚可弗戴仰彼
二尊耶戴藤隱集者一時譚柄爾師猶於獄
中拈四句述成五偈宥在長安又三年而朝
議遠竄逐於西蜀師道出函關度秦隴登望
崧華山川跋涉苦吟髑髏又下逃腥血脚債
曾煩驛吏徵遂編置於成都岷峨之間也志
不少屈嵌空蓬婆西嶺之雪諷咏嘲弄十暑

不獲歸，搏桑萬里，念々奮飛，自非夙抱大志，
為法忘軀，豈臨大辟，緘其口，受彼大苦而忍
死於此，蠶叢魚鳧之荒僻乎！心憤口排，吐出
胸中自然成章經史諸子，一目皆記，在峽隘
舟中，手披小本，南華真經，每帙一覽，拋向水
中，人見而問之，師笑曰：「不記胡為聞者？」卷舌
兩川，太官左儒多，令佳子弟，鼓篋於函丈，受
指畫口講者，為不鮮矣。偶有大赦，召還，留連
長安，復三年矣。一旦老親在夢，歸興浩然，蒞

古林送偈曰：道人海外來，歷涉幾難阻，不唯
凌驚濤，益遭世網苦，脫身萬死中，尅志在佛
祖，有如百煉金，遠指色可觀，玄機歷落如，轉
丸，迅手展托，胡為難萬人叢中，獨穎拔，一鏃
解破三重關，重來兩臉鐵，色黑欲話三生緣，
未得茶甌放下，便言歸為省，慈親走匍匐，床
頭，主丈不假舉，一句臨歧聽吾語，水宿風餐
宜善為扶桑夜半金烏飛，時泰定四年丁卯
秋游九月也。天曆元年戊辰，文宗即位，有命

住京兆翠微寺。廼翠微接得禪板打龍牙之處也。嗣香供下山不忘其本也。宗旨一唱朝賜師號杜野王莊優遊周覽凡天下名山古迹南衡北恒東岱西嶧巴閬嘉渝瞿塘滬瀕瀟湘洞庭廬山之瀑金山玉山嵩少濟水吳雪楚花皆文頭玩具也。又以叔平不可忘命工肖焉。芝童石贊曰。悶而權約而豐稟乎。秋烈粹若春融。祖痴絕不有痴絕師。頑翁不跡頑翁兼智慧劍。肅清魔壘佩毘盧印。坐斷雲

峯攻衲子病起臨濟宗法隨法行隨處建立扶桑不在海門東雲峯堂上叔平和尚繪像法姪京兆翠微梅長老請贊。泰定戊辰春仲淨慈如芝已巳夏勝幢越舶泛大洋東歸即本朝元德改元師時四十歲矣。仙竺仙泊閩江寄雪村西堂偈云。掛席同為海國遊。寸心如水正悠悠。又典月山書記云。天曆二年五月吉天風飄々海波立。大舶着岸自博多遠赴相陽白雲無定親舍何處存。沒亦不可知也。

行道記
道過由比之濱時師所乘馬蹄俄一蹶陷墜於泥淖之中聊入道傍繩樞以澣燥泥衣舍有一老嫗出而泣焉師問其由則曰我有二子皆入空門一子遠遊不歸我與其季待已久矣若有感激者稍迫而察之尊親也子母相見悲喜茫然夢耶非夢耶不知吾涕之出也雖推至性至孝之應而天地日月之有心欺抑且幽明之感通有時欺師既包齋一金忍饑寒奔竄不以漫使用者意欲令怡慈顏

乃解包奉之與慈明壽金併案也孟笋王鯉易地則然是歲同居侍養守歲喜慰可想庚午首春寓于巨嶠之玉雲慕國師也偶信州諏方郡慈雲新寺虛席郡守金刺氏一了以師開山之場喜師至以懇請夏四月九日入寺大鑑竺仙各自製疏從吏人境双奇湖山改觀辛未秋神氏為賴創德雲寺於山部請師開法壬申歲右金吾校尉小串藤範秀素欽師道風以京西禪敦請冬十月十八日

視篆三年峨麓鐘鼓一新甲戌歲有豐後州
蔣山萬壽之命四月二日辭衆云七尺烏藤
無定力業風吹轉海西州出門應被龜山笑
欲縮頭時不縮頭是月晦入院檀門致敬宗
社有先後三年謝事來隱于度賀之尾道香
難掩學者景從豈料山茶延俗客白雲還逐
馬蹄塵江湖至今傳誦丁丑之歲于戈平定
播州散源圍心夙願昇建新寺於赤穗郡谷
繩之鄉而欲選天下有道名宿為開山住持

藤範秀以師酬其所問也乃厚加聘禮迎之
秋七月朔拜請開山冬十月望創建大佛殿
寺名法雲昌國山號金華皆宸染也被旨己
卯冬十一月至日位于天下諸山之列而定
十方住持者時際興運山門檀門天時地利
一代盛事住持得人衆亦龍象陞堂說法規
矩嚴肅可謂般若叢林中國第一名藍與彼
大方鉅刹至今抗衡庚辰營大龍菴於寺之
左山明水秀愛之居辛巳春有朝命征夷大

將軍及左武衛將軍虛京城萬壽席禮請荐
上書辭之使者三返而廷議罪歸檀家尚堅
執不起時南禪竺仙以偈檄之聞說太龍行
雨罷無心更出作雲雷願將橫海身千尺來
臥坳堂水一盃蒼之塵柄一持嚴祖令龍門
萬仞鼓風雷飛箋招我言如蜜毒勝燒腸鴆
百杯官命不允公奉私望以難免溜出金華
掩關於良峰檀家動靜待衛懼師遠引去而
出處不違師心進退從其所趣稍欲以諷動

也癸未歲圓心排闥懇款陳情通身汗下出謂
人曰我嘗馳突百萬軍中不屑焉只今老師
面前片刻跪對威稜逼人怯懼如此矣師不
獲已以秋八月十一日益于京之萬壽一佛
出世巷衢蹂躪明年同月日移疾于清水之
清住遂有攝州溫泉之行乙酉春以朝命二
月十八日董東山建仁禪寺宗風大振法雨
霽霽王臣歸敬人物輻湊若痴絕住山故開
丈室講其語錄聽徒如雲超越於萬壽雲菴

之講夫參方正眼蠡蟲龍象自證於古人舌
頭沒毫髮疑處而說偈書贊無虛日鍊虎關
滌疾於惠嶠之海藏冬十二月初六師特往
問之延接譚笑互忘賓主且說偈謝之養痾
窓底忽心驚象駕崢嶸輾矮廂分散盪湯新
點茗撥丹爐火便燒香人非摩詰病相似客
是曼殊才可當床下履塵不應拂苦吟轉調
謾成章師和之轂下諸老亦擊節門人裝軸
謁師求叙叙成關自跋云斯軸即新譯無垢

稱經也遂唱寂人傳道火化現舍利師笑曰
鍊公尚存蹤迹乎惟歲貞和二年丙戌十一
月之杪師忽寄香資於恭石梁興雲塔曰法
弟不久行脚兄忌在來十八我不能供此香
預修忌齋可也守塔者驚其命速備營辦以
是月廿六日師臨齋諷演白傘蓋咒至第五
段燒香太展起立未定右手不又然而法體
如常朝廷進鑿藥皆却之十二月二日黎明
自呼帚筆以左手書逝偈字畫不成憤然擲

着大筆於屏上墨淋漓未乾般涅槃于位朝
市山林嗟悼慟哭後三日闍維于清住菴設
种無筭五色流輝烟氣所及草樹綴珠雖泐
之內外道俗奔赴奪而取之覓而獲者皆如
至寶或後而至者掘土淘沙有法弟良雲遠
聞後數日自伊賀來不及見直往化壇具威
儀展拜燒香致誠懇禱吾師兄若實有般若
靈驗必當有其證片時哀求鏘爾現出案上
者一大粒感泣頂戴而持去又存日落一牙

青瑠璃色如指頭大蓋以定慧內熏種子發
現末後光明雖曰非師本分不猶愈於骨塔
暗封腐真相望乎住壽五十七僧臘若干門
弟子若干人師早離國師遠方歸來入寂已
過一紀欲再見而不可得獨以石梁兄為遺
愛敬事如國師人有執弟子禮者必令其中
俊邁者指見石梁入室且曰村僧風火相逼
不可構架塔院當收臭骨依拊興雲塔又雖
無長物一簪遺資必當歸之大雲塔諸徒克

遵命也。時圓心則祐父子典謀折中，以分附大雲大龍。明年丁亥，圓心特創塔院於維之。建仁以卜其地，又明年春蒙綸命，并鈞旨，迺取生祠扁曰大龍塔，曰幻空，割膏腴以奉香火也。嗣子則祐以文和乙未建寶林永昌禪寺於播州之赤松里，以繼先志也。師在世泊滅後，諸孤之立法派之侈者，皆彼父子外護之力也。烏厚希矣。凡師為人尊貴，天性氣壓宇宙，眼空古今，名振兩朝，面白嚴冷，一平生

無笑貌，緇白望風畏敬。接見汗出氣懾，不目層書，不手念珠，几案無一冊，金口所說唯以圓覺了義為所詮。屹坐室中，如木塑人，一飯不獨食，其苦同中。四來奔謁，不接妄庸，高視遠識，不以詞色假人。其董東山也不拜，開山人有問之者曰：山僧嫌佛不做其官齋也。左武衛源公進履不辭，見者寒心焉。衛法之貴弘宗之重，子房釋之豈可同日而語哉。當時以一身使天下佛法重於九鼎者，非師其誰

耶沙門衆乘者播州東河淨土寺住侶也南
都東大寺者本朝第一大伽藍也治儀之亂
一燼矣乘嘗發心日本大唐高麗百濟靡弗
幹化而舟車捆載委積如山不翅牛馬奔運
梁棟飛來工匠出現力士自然而至彼恒說
華嚴院四聖同時大道場廣博像設不日成
就輪奐疊飛如紫金山如白銀闕雄鎮覆廡
非龍天扶助則鬼神督役豈復人力耶於是
乎知乘者大權爾其行化而歸也道過興福

寺猿澤池邊有一老翁呼乘言法師發無比
大願勸化翁願預其一分功德引入金城湯
池內宮殿奇麗不可說自擊出金銀奇寶典
之忽焉不見蓋亦神龍感動乘之誠心而已
至今大寺安乘像師常戒其徒却後為吾兒
孫者當詣奈良大像偈云範金十六丈為身
雄鎮扶桑第一尊除是虛空圓滿體人間雕
刻畫兒孫播之寶所者師之塔也淨土者乘
之住所也嘗割淨土之莊田助寶所之香油

不知所以然而然者也。實覺真空微號者元
主賜也。師既歸本朝不榮耀投置之篋笥不
發已久矣。文和壬辰方當滅度之七周諸徒
奏聞勅翰揭于塔門也。余志學之明年見先
師於雲門粗聞祖蹟先師亦逝矣。退而憫焉
方今天下寺院碑銘篆刻先昭先烈者比々
焉獨吾祖道行不愧於古人而昧々不傳于
後乎。以故同門伯叔或外國諸宿贊語或江
湖傳誦岷峨集及疏書零碎見聞之所及辛

勤摺據者廿餘年狂斐雖不足以稱揚先德
而所不媿者靡以當世俯仰增損而已。師之
諸子椽筆雄文當初林立天下者或出世唱
道之應酬或早世淪落以不令師全體作息
大機大用光明照世傑然特出者聞知於後
世而今徒所存者師之片言隻字瑣細補綴
以俟僧中董狐矣。永亨四年四月五日前住
建仁師孫比丘有諸謹記

附 祭雪村和尚文

乾峯和尚

前建仁堂上雪村梅和尚駛入涅槃於清住
蘭若以到音訃于菩提樹下文末聊掃斐詞
詞祭于靈曰在昔奮然入華兮 大宗誇古
粉爾後覺阿遊宋兮打法戰張吾軍二老行
脚 克兮豈足淺見深聞公也參編女載兮
歷西蜀南閩道無不履之道兮文無不誓之
文書錦還歸本國兮若木下靡不忻移赤城
之松兮興金華之雲蒙兩將之恩 兮繼千
光之芳芬余也受于隣照兮破老昏當朝昕

俄爾中于風毒兮溘然入于土墳遺集履以
告歸兮投尺牘以解紛且喜眼睛不壞兮如
蒲桃其實實多智禪定現前兮三作嗅一香
焚尚亭

岷峨集行道記終

元祿七年甲戌正月之吉

京東洞院通夷川上町

林九兵衛壽梓

